



23 Disember 2021
23 December 2021
P.U. (B) 682

WARTA KERAJAAN PERSEKUTUAN

FEDERAL GOVERNMENT GAZETTE

**NOTIS PENENTUAN MUKTAMAD AFIRMATIF
PENYIASATAN DUTI ANTI-LAMBAKAN BERKENAAN
DENGAN IMPORT DAWAI KELULI BERLEMBAR BAGI
KONKRIT PRATEGASAN YANG BERASAL ATAU
DIEKSPORT DARI REPUBLIK RAKYAT CHINA**

***NOTICE OF AFFIRMATIVE FINAL DETERMINATION
OF AN ANTI-DUMPING DUTY INVESTIGATION
WITH REGARD TO THE IMPORTS OF STRANDED STEEL
WIRES FOR PRESTRESSING CONCRETE ORIGINATING OR
EXPORTED FROM THE PEOPLE'S REPUBLIC OF CHINA***

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA DUTI TIMBAL BALAS DAN ANTI-LAMBAKAN 1993

NOTIS PENENTUAN MUKTAMAD AFIRMATIF
PENYIASATAN DUTI ANTI-LAMBAKAN BERKENAAN DENGAN IMPORT
DAWAI KELULI BERLEMBAR BAGI KONKRIT PRATEGASAN
YANG BERASAL ATAU DIEKSPORT DARI REPUBLIK RAKYAT CHINA

(AD 01/21)

PADA menjalankan kuasa yang diberikan oleh perenggan 25(4)(a) Akta Duti Timbal Balas dan Anti-Lambakan 1993 [*Akta 504*] dan peraturan 15 Peraturan-Peraturan Duti Timbal Balas dan Anti-Lambakan 1994 [*P.U. (A) 233/1994*], Kerajaan telah membuat penentuan muktamad di bawah subseksyen 25(1) Akta bahawa—

- (a) suatu margin lambakan wujud berkenaan dengan import dawai keluli berlembar bagi konkrit prategasan yang dikelaskan di bawah Kod Sistem yang Diharmonikan (Kod H.S.) dan Tatanama Tarif Berharmonis ASEAN (AHTN) 7312.10.91 00 (“dagangan subjek”) yang berasal atau dieksport dari Republik Rakyat China; dan
- (b) kemudatan didapati wujud kerana industri dalam negeri di Malaysia yang mengeluarkan keluaran serupa telah mengalami kemudatan material disebabkan oleh pengimportan dagangan subjek ke dalam Malaysia.

Butiran yang berhubung dengan margin lambakan

2. Butiran yang berhubung dengan margin lambakan berkenaan dengan import dagangan subjek yang berasal atau dieksport dari Republik Rakyat China yang didapati daripada proses penentuan muktamad afirmatif adalah sebagaimana yang dinyatakan dalam Jadual Pertama.

Sebab-sebab bagi penentuan muktamad afirmatif

3. Sebab bagi penentuan muktamad afirmatif adalah seperti berikut:

- (a) harga eksport dagangan subjek adalah kurang daripada nilai normalnya;

- (b) industri dalam negeri di Malaysia yang mengeluarkan keluaran serupa telah mengalami kemudatan material yang boleh dengan semunasabahnya dikaitkan dengan pengimportan dagangan subjek ke dalam Malaysia; dan
- (c) margin lambakan didapati wujud melalui kegiatan lambakan oleh pengeluar atau pengeksport dari Republik Rakyat China sebagaimana yang dinyatakan dalam Jadual Pertama.

Duti anti-lambakan

4. Duti anti-lambakan yang akan dikenakan kepada pengeluar atau pengeksport yang dinyatakan dalam Jadual Pertama hendaklah sebagaimana yang dinyatakan dalam Jadual Kedua.

Sebab bagi pengenaan duti anti-lambakan

5. Sebab bagi pengenaan duti anti-lambakan di bawah perenggan 4 adalah untuk mencegah kemudatan kepada industri dalam negeri di Malaysia yang mengeluarkan keluaran serupa.

Tempoh pengenaan duti anti-lambakan

6. Duti anti-lambakan yang dikenakan di bawah perenggan 4 hendaklah terpakai bagi tempoh lima tahun mulai 25 Disember 2021 hingga 24 Disember 2026.